



## ZAKLJUČCI SA KONFERENCIJE

### **Pristup građana informacijama, savjetima i aktivnoj pomoći sa osvrtom na postojeći sistem besplatne pravne pomoći u Bosni i Hercegovini**

Sarajevo, Hotel Hollywood (Konferencijska sala)  
12. i 13. septembar 2013. godine (13.30-14.30 sati)

**12. i 13. septembra, 2013. godine** u Sarajevu je održana **Konferencija „Pristup građana informacijama, savjetima i aktivnoj pomoći sa osvrtom na postojeći sistem besplatne pravne pomoći u Bosni i Hercegovini“**. Konferencija je održana u konferencijskoj sali hotela „Hollywood“ u Sarajevu (Ilidža). Organizatori Konferencije bili su Asocijacija za demokratske inicijative (ADI), Centar za ljudska prava u Sarajevu, u saradnji sa članicama **Mreže pravde u BiH** – neformalne mreže koja okuplja 64 ne-vladine organizacija koje djeluju u sektoru pravde i ECAS-a (European Citizens Action Service iz Belgije). Konferencija je održana **uz tehničku podršku** USAID Projekta razvoja sektora pravosuđa II i Evropske komisije. Okruglom stolu su pristustovali vodeći predstavnici javnih institucija kao i predstavnici civilnog društva, medija i međunarodnih organizacija ukupno 53 učesnika i predavača.

Nacionalna konferencija se održala u okviru projekta “Trostruko A za građane – pristup informacijama, savetima i aktivnoj pomoći- Triple A” koji finansira Evropska komisija.

Cilj nacionalne konferencije je bio da kroz prezentaciju iskustava i izazova u oblasti informisanja, savetovanja i aktivne pomoći i prateću diskusiju, učesnici identifikuju moguća rešenja javnih politika u pomenutim oblastima. Na kraju Konferencije upućeno je zajedničko saopštenje za medije.

Na osnovu prikazanih prezentacija i diskusije učesnika i izlagača izvedeni su zaključci i preporuke:

- Usvojiti zakon o besplatnoj pravnoj pomoći na državnom nivou koji bi usaglasio zakonodavstvo u ovoj oblasti i time garantovao jednak pristup pravdi svim građanima u BiH uz obezbeđenje jedinstvenih standarda usluga na svim nivoima vlasti;
- Javne institucije na svim nivoima vlasti dužne su osigurati svim građanima, posebice osobama slabog materijalnog statusa, informacije i savjete kako bi mogli lakše ostvariti prava koja potražuju;
- Potrebno je široko postaviti mreže davatelja informacija i uputa, a davanje pravnih savjeta i pomoći ograničiti na kompetentne specijalizirane organizacije koje bi trebale proći adekvatan sistem osiguranja kvaliteta;
- Neophodno aktivnije raditi sa svim pružiocima informacija, savjeta i besplatne pravne pomoći kako bi se unaprijedio njihov kvalitet rada i učinak, te osigurao pristup ovim uslugama građanima i građankama u svim dijelovima zemlje, u svim zajednicama, a posebno u ruralnim i ekonomski i socijalno ugroženim područjima.

S obzirom da Mreža pružaoca besplatne pravne pomoći i Mreža pravde, kao i organizacije-članice ovih mreža kroz rad na različitim regionalnim projektima, provode i razvijaju projekte i aktivnosti u oblasti besplatne pravne pomoći, predloženo je udruživanje zajedničkih kapaciteta i resursa, te međusobna podrška aktivnostima i to:

- Javno zagovaranje za usvajanje državnog okvirnog zakona o besplatnoj pravnoj pomoći;
- Javno zagovaranje za održavanje javnih konsultacija na navedeni zakon kako bi se uključile NVO u procese donošenja odluka, te time osigurale adekvatna rješenja, koja su definisana u preporukama datim tokom Konferencije;
- Provođenje analiza i studija u cilju detaljne procjene usklađenosti zakonodavstva u oblasti besplatne pravne zaštite ali i sa drugim posebnim zakonima;
- Javno zagovaranje za omogućavanje pristupa sudskim odlukama od strane pružaoca besplatne pravne pomoći;
- Saradnja pružaoca besplatne pravne pomoći na konkretnim slučajevima odnosno predmetima u cilju efikasnijeg pružanja usluga;
- Informisanje i razmjena materijala;
- Učešće u javnoj debati 15 marta 2014 povodom dana potrošača u cilju razvoja efikasnije besplatne pravne pomoći u ovoj oblasti;
- Razvoj zajedničkih outreach inicijativa u cilju informisanja građana o uslugama besplatne pravne pomoći.

Na kraju Konferencije, gđa. Ivandić Ninković se svim prisutnim srdačno zahvalila na izdvojenom vremenu i aktivnom učešću tokom dvodnevne Konferencije, te obavijestila sve prisutne da će im zaključci sa okruglog stola biti dostavljeni na komentare.

Lista učesnika, plan rada i prezentacije izlagača nalaze se u prilogu.

Sarajevo, 18/09/2013